



Guyyaa qiyaamaa namichi ni fidama, ibidda keessa buufamee, meeshaan garaa isaa keessaa yaatee, akka harreen baaburaan naanna'utti isiidhaan naannawa

Usaamaa ibnu Zayd irraa akka odeeffametti -Rabbi isa irraa haa jaallatu- ni jedhe: usmaanitti ol seentee hin haasofsiiftuu? isaan jedhame, innis ni jedhe: isin dhageessisu malee haasawuu hin qabu jettuu? Rabbiinan kakadha balbala dubbii jalqaba nama isa banee ta'uu hin barbaanne osoon hin banin gidduu kootii fi gidduu isaatti dhugumatti haasofsiisee jira, nama tokko kan ajajaa na irratti ta'uun: inni irra caalaa namaati hin jedhu, boodan ergamaa Rabbiitii -Rabbiin rahmataa fi nageenya isaan irratti haa buusu- akkas jedhuu dhaga'ee: «Guyyaa qiyaamaa namichi ni fidama, ibidda keessa buufamee, meeshaan garaa isaa keessaa yaatee, akka harreen baaburaan naanna'utti isiidhaan naannawa, worri ibiddaa isa ilaaluuf wolitti qabamanii akkas jedhu: yaa ebelu maaltu si mudate? toltuutti ajajdee badii irraa dhoorgaa hin turree? innis ni jedha: ee dhugaadha akkas ture, dhugaan toltuutti ajajaan ture ofiif immoo isa hin hojjadhu, akkasuma badii irraas dhoorgan ture ofiif immoo isan hojjadha».

[sirrii] [Bukharif muslim irratti waliigalan]

Usaamaa ibnu zaydiin -Rabbi isa irraa haa jaallatu- usmaan ibnu affaanitti ol seentee -Rabbi isa irraa haa jaallatu- fitnaa namoota gidduutti argame irraa haasofsiiftee bu'uuraan isa hiikuuf hin tattaaffattuu jedhameen, innis fitnaa osoo hin kaasin maslahaaf jecha iccitiin akka isa haasofsiisee jiru isaan beeksiise, kaayyoon isaa hawaasatti mul'isuun ajajoota mormuun, sababaa ittiin khaliifaatti ol hiixatan ta'uu waan hin barbaanneefi, inni ulaa fitnaa fi hamtuuti jalqaba nama isa banee ta'uu hin barbaadu. eegasii Usaamaanis -Rabbi isaan irraa haa jaallatu- ni jedhe: inni ajajoota iccitiin isaan gorsa kana irratti immoo amiira yoo ta'ellee nama tokkoof fakkeessee bira hin dabru, sun booda nabiiyyiidhaa -Rabbiin rahmataa fi nageenya isaan irratti haa buusu- akkas jedhanuu dhaga'eeti, guyyaa qiyaamaa namichi fidamee, ibidda keessa buufamee, jabina ho'aatii fi adabbii irraa kan ka'e meshaan garaa isaa ariitiidhaan keessaa ba'uun, haaluma kanaan mar'imaan garaa isaa waliin akka harreen naannawa baabura isa waa daakuu naannoftutti ibidda keessa naannawa, worri ibiddaa naannawa isaatti akka geengoo isatti marseetti wolitti qabamanii, akkas jechuun isa gaafatani: yaa ebelu, toltuutti ajajdee badii irraa dhoorgita hin turree?! innis ni jedha: eeyyeen toltuuttin ajajaan ture garuu ofii kootiif isa hin hojjadhu ture, akkasuma badii irraas nan dhoorgan ture garuu isan hojjadhu ture.

النجاة الخيرية
ALNAJAT CHARITY

